

B. N. C.
FIRENZE

1043

2



DISSERTATIO INAUGURALIS
DE
HYPOCRISI PHILOSOPHORVM QVORVNDAM
SPECIATIM PYTHAGORÆ

QVAM

DIVINI NVMINIS AVSPICIO

IVSSV ATQVE AVCTORITATE

AMPLISSIMI PHILOSOPHORVM ORDINIS

IN VNIVERSITATE ALTORFINA

MODERATORE AC PRAESIDE

D. OM. IOH. ALBERTO-SPISIO

PHILOS. IVRIVMQVE D.

POLITICES LOGICES ET POETICES P. P.

FACVLTATIS PHILOSOPHICAE H. T. TERTIVM

DECANO

PATRONO ATQVE PRAECEPTORE SVO

NVNQVAM NON COLENDO

PRO IMPETRANDIS

PHILOSOPHIAE MAGISTRI PRIVILEGIIS

PVBlicae COMMILITONVM DISQVISITIONI

D. XXVI IVNII A. O. R. ClO Id CCXXXIII

SVBIICIET

WOLFGANGVS FRIDERICVS LOCHNERVS

ARTELSHOFIO-NORIMBERG.

ALTORFII

TYPIS IOH. GEORGII MEYERI ACAD. TYPOGR.



THE

1043.2

PROOEMIUM



Magnum apud ueteres pariter et recentiores nomen consecutus est, ille non Italicæ modo, sed omnium fere Graecanicæ philosophiæ, ut quibusdam uidetur, auctor et parens, Pythagoras. Hinc etiam perquam multa de eius uita et philosophia a uariis scriptoribus litteris prodita sunt; et quamuis ipse, ad sectæ, cuius caput fuit, consuetudinem, summam doctrinæ suæ, aliasque rerum suarum circumstantias, nullis libris complexus sit, eruditissimi tamen omnium temporum Viri in excolenda historia Pythagorica maximum sibi facesserunt negotium, et, ne discederet ex posterorum animis tanti Philosophi memoria, omnem nauauerunt operam. Ex ueteribus enim, sed iam deperditis, generatim uitam Pythagoræ descripserunt Aristoxenus, Hermippus, Moderatus, Nicomachus, de quibus et quam plurimis aliis conferendus Conr. Rittershusius, ad Malch. n. I, pag. 5. et Ionisius, in egregio opere de scriptoribus historiæ philosophicæ. Ex iis uero, quæ adhuc supersunt, scriptis, præter Porphyrium, Iamblicum, et Lactantium, notari merentur de Pythagora Suidas, sub hac uoce, Tom. III. p. 231. sqq. itemque Iustinus, Lib. XX, Cap. IV. et alii, quos in tractatione allegare iuuabit: ut recentiores u. g. Stanleyum, in hist. phil. Lib. VIII, Schefcherum, de natura et constitutione Philos. Italicæ, Clericum, in Biblioth. chois. Tom. X. ceteros, secundo nunc præteream pede, qui in illustranda Pythagorica historia multum studii collocarunt, et quorum indicem satis longum exhibet Celeb. HEVMANNVS, Auct. Philos. P. II, V, et XII. Esi uero Pythagoras super ceteros in omni doctrinæ genere suis temporibus cum maxime florebat, unde etiam auctoritas et amplitudo eius omnes gentes non tantum gloria et fama nominis, sed et summa admiratione compleuit: animaduertimus tamen, si dogmata in conspectum uitæ ipsius ponimus,

non eum talem se praeuisse, ut ex omni parte laude sit afficiendus. Timoni, apud Lærtium, Lib. VIII, segm. 36. hominem callidum et ueteratorem fuisse Pythagoram, ambiguum non est; et laborem omnino non frustraneum suscepit, ante aliquot annos in Academia hac Altorfina Professor celeberrimus, hodie uero eximium Georgiae Augustae decus, Dom. IOH. DAVID KOELLERVS, quum ἐπεμύδιον Pythagoricam paedantismum redolere solide demonstraret, in dissertatione de Paedantismo didactico Pythagorae ratione silentii, Altorfii C1510CCXIV habita. Omitto nunc alios, partim, nescio quid diuinum, omnibusque numeris absolutum, in Pythagora se inuenisse iactantes; partim uero cumulum de illius laudibus diruentes, eumque superbiae et inuidiae tantum suae consuluisse, contententes: et duntaxat circa simulationem uirtutis, quam hypocrisin uocant, in Pythagora omnino uituperandam, Deo annuente, hoc in praesenti inaugurali specimine, ex auctoritate AMPLISSIMI COLLEGII PHILOSOPHICI, quo ingento, quauis industria possum, quaedam monebo. Quia uero Pythagoras non solus ille est, qui eruditus posset appellari artificio simulationis, nosque facili negotio plures Philosophos, Stoicae praesertim sectae additos, in medium proferre possumus, qui hoc in genere peccarunt; uisum est, rem omnem duobus capitibus proponere. In priori de Philosophorum quorundam hypocrisi in genere agemus; in posteriori uero hypocrisin Pythagoricam sigillatim paucis delineabimus. Tantam enim prae se ferebat probitatem Pythagoras, ita ductu luminis rationis animum ad exercitationes uirtutum confirmabat, ut multos superaret antiquos et nouos Philosophos, qui temerariis et inconsideratis factis et uerbis sententiisque suam maxime obscurant gloriam. An uero minime fucatus, et uir extima quadam animi uitaeque integritate, iure sit appellandus, ualde haereo. Hac de causa, permissu quidem Viri Excellentissimi DOM. PRAESIDIS, operam me non perditurum putauit, si hac in re qualescunque periclitarer ingenii mei uires. Faxit DEVS Ter Optimus Terque Maximus, qui fucum uirtutis et inflatae sapientiae summe auersatur, ut hic labor ex uoto fluat.



CAPVT I
DE QVORVNDAM PHILO-
SOPHORVM HYPOCRISI IN
GENERE:

§. I.

Sic ergo, diuina fauente gratia, ad ipsam nunc accedamus tractationem, ante omnia, quid per hypocrisim, cuius reum facere Pythagoram cum aliis philosophis agredimur, intelligamus, exponendum erit. Etsi enim id ex praefatione iam pateat, neque alias cuiquam facile obscuro esse queat, cum notio huius uocis tam graecis scriptoribus communis, quam usu loquendi satis obuia sit: haud tamen abs re fuerit, hanc ipsam paulo curatius pro modulo quidem ingenii enucleare, et hypocriseos ideam expressam sistere; eo magis, quod pro diuerso huius uocabuli sensu, hypocrisis non nunquam etiam laudari queat in homine sapiente et philosopho, ceterum uero plerumque censuram atque reprehensionem mereatur.

§. II.

Hypocrisis generatim nihil aliud notat, quam actionem, qua quis se alium exterius, nempe in uerbis, gestibus et factis, exhibet, quam reuera sentit, aut animo affectus est. Siue, quod idem est: est actio, qua efficere studemus, ut alter arbitretur, nos aliquid sentire, quod tamen non sentimus, aut aliter animo affectos esse, quam reuera sumus; paucis: *alienae personae simulatio*. Si quis ergo per uerba et facta efficere studeat, ut alter, se aliquid sentire, arbitretur,

Itemque speciali.

Hypocriteos
etymologia et
homonymia.

cur, quod tamen non sentit, per consequens alium se exterius gerat, quam in corde sentit aut affectus est; *hypocrite* nomen illi omnino tribuimus. Speciatim uero, scriptoribus sacris et stylo ecclesiastico, *hypocritis* dicitur uitiosa illa simulatio, qua quis probitatis sanctitatisue speciem prae se fert, reuera nequitiae et improbitatis plenus; uerbo: *fucata pietas et uirtus*. Et qui hoc uitio laborat, probumque se externa specie mentitur, quum improbus sit, *hypocrite* stricto et speciali sensu audit.

Graecis, uti exploratum est omnibus, uox *hypocritis* et *hypocrita* suos debent natales, deriuata quippe a *ὑποκριτής*, et proprie spectant ad histriones, alienam in theatro personam repraesentantes. Qua uocis huius significatione praeter alios etiam utitur Aelianus, *Var. hist. Lib. VIII, Cap. VII*, haec scribens: *ἀποκρίτης δὲ καὶ ὑποκριτής, καὶ ὑποκριτής, καὶ ὑποκριτής, καὶ ὑποκριτής*. Quae uerba ita recte est interpretatus IVSTVS VVLTEIVS: *Aduenerunt etiam musci et histriones, tam comici, quam tragici permulti*. Superfedemus plura huius generis loca excitare, quibus nomen *ὑποκριτής* histrionibus olim proprium fuisse probemus, non laterem lauare uideamur: cum et IOH. BENEDICTVS CARPZOVIVS eandem hanc significationem, testimoniis ex probatissima antiquitate Graeca et Latina, itemque auctoritate criticorum magno nominis, satis adstruxerit, in libro pererudito et elegante *de Paradiso Stotoe Aristonis Chii*: *ἡ ὑποκριτή τις ἀπὸ τοῦ ὑποκρίναι τοῦ ἐκφύει, h. e. Sapientem bono histrioni esse similem*; Lipsiae anno superiore edito, *Seft. I, Cap. V*. Immo ipse Flacius et Augustinus, quos tanquam dissentientes ibidem notat et refutat doctissimus scriptor, saltem locis ab eo allegatis, hanc significationem quoque expresse confirmant. Vnde uero hoc nomen traxerint histriones? nun a respondendo, quod ex Helychjo et Suida clarum putat; an uero a discernendo uel separando, quod ex Eustathio forte colligi queat? et utrum uoces *ὑποκριτής* et *ὑποκριτής*, ipsumque adeo uerbum *ὑποκριτής*, a fabulis theatricis demum translata sint ad simulationem significandam, primumque omnium ita oratores Graeci usurpauerint, contra ullam eorum originem et etymologiam; an uero

nero illa ipsa *simulationis* notio propria et princeps, et inde demum nomen nasci sint histriones; non aequè expeditum uidetur. Nobis nunc non iacet hanc in rem curatius inquirere: posterius tamen adhuc probabilius est. Certe *fingendi imitandique*, si non *simulandi*, uim quodammodo propriam esse uerbo *ὑποκρινόμενος* camderiuatiuis, uel inde non immerito concludimus, quod, teste Vlpiano, loco a clarissimo auctore citato, etiam poëtae, sane ab hac quidem potius, quam a iudicii notione, *hypocritae* a ueteribus dicti sunt. Vtunque est, uoces istae ab optimis, iisque antiquis, scriptoribus Graecis ad hunc aliosque referuntur significatus et usus. Luciano est *coniector somniorum ὑποκριτὸς ὄνειρος*, et *ὑποκριτὸς* pariter *simulare insaniam* significat, *de salt.* Eandem quoque significationem obtinet hoc uerbum apud Demosthenem *pro cor.* *μὲν τῷ φανερῷ ὁμιλοῦν ὑποκριτὸς τὸ ἐνὶ τῇ ψυχῇ τὸ ἐν τῇ ψυχῇ ἐν τῇ ψυχῇ.* In fragmentis Dionysii Longini, libro *πρὸς Ὀψίαν*, in editione Heinemanniana Drevdæ 1737 praemisissis, pag. LXVIII, haec occurrunt uerba: *τῷ τῷ ὑποκριτῷ ἀπὸ τῆς αἰσθητικῆς*, ubi figuram rhetoricam denotat, Germanice das Nachahffen dicendam. Quare pro instituti nostri ratione, cum Luciano, Demosthene, itemque Hermogene, *ὑποκριτὸς γὰρ πᾶσι ὑποκριτῶν χρεῖται* dicente, fruimur omnino ex libertate, qua dicimus: uocem *ὑποκριτῶν* *simulo*, et *ὑποκριτὸς* *simulatorem* in genere denotare; et sigillatim, si quis excellentem in uirtute externe se exhibet, re ipsa tamen ueram animi imaginem uultus non exprimit, illum *hypocritae* et uirtutis simulatoris nomine uenire; qui significatus iam obtinebit. Id solum adhuc monemus, *actionem* quidem generis loco positam esse in definitione nostra: quod hypocritis proprie in agendo consistit, et uel in unica actione locum habere possit. Sicuti uero unam actionem, praesertim prauam, plerumque plures similes sequi solent, et ex repetitis eiusmodi actibus habitus tandem oritur: hic ipse etiam *habitus fingendi atque simulandi* peruersus eadem hypocriteos appellatione comprehendendi consuevit.

§. III.

§. III.

Quibus modis
committatur
hypocrisis?

Hoc igitur modo nos quoque in praesenti utimur *hypocrisis* uocabulo, illudque per *simulationem uirtutis* in genere exponimus. Committitur autem hypocrisis ista, ut iam in definitione dictum, potissimum duplici ratione, nempe in factis et uerbis: quorum apud philosophos quidem, quorum maxime rationem habemus in hac tractatione, cum primis etiam pertinent *dogmata*, siue doctrinae eorum ac sententiae, quas palam et aperte professi sunt. Nam et haec non raro ad fucum faciendum, grauissimosque occultandos errores, spectant, aut certe a uera mentis sententia nimium quantum discrepant, ut ex sequentibus infra patebit.

§. IIII.

De uirtutis
distinctione
in theologi-
cam et philo-
sophicam.

Nunc de ipsa etiam uirtute, cuius simulatio hypocrisis efficit, uel tria uerba monenda sunt. Virtutem uel esse *christianam* siue *theologicam*, uel *naturalem* seu *philosophicam*, omnibus constat. Quia uero de priori, utpote scopum nostrum non attingente, sermo hic non est instituendus; sine ullis ambagibus statim ad posteriorem pergam.

Oleimus quidem, alias esse uirtutes theologicas, alias philosophicas: non autem cum pontificiis, illarum nomine, *fidem, spem et charitatem*; harum uero, eas, de quibus in philosophia morali agitur, intelligimus, quem significatum iam reiecit BVDDEVS, in *instit. theol. mor. P. I, C. I, Sect. IV, §. 137*. Neque etiam, cum Cel. WOLPIO, *Phil. Praet. Philosoph. P. I, §. 338 seqq.* discriminis rationem tantum ponimus in *motuum diversitate*; quae sententia ceteroqui facile admitti potest. Sed potius generatim dicimus: Virtutes theologiae seu christianae a philosophicis differunt, tum ratione *principii*: illae enim non nisi ex uera fide, hae ex uiribus naturalibus proficiuntur; tum ratione *normae*, quae in his quidem sunt leges naturales tantum, in illis uero etiam leges positivae diuinae, et praecepta christianis in sacris literis tradita et explicata.

§. V.

§. V.

Virtus itaque *philosophica* nihil est aliud, quam habitus, ^{Virtutis philo-} uel, quod non nulli malunt, constans et serium studium, ^{sophicae definitio.} conformandi actiones suas legibus naturalibus, quoad per naturae vires licet.

Hoc studium atque habitus iste proprie unicum quidem, et hinc virtus quoque una tantum est: attamen, pro obiectorum diuersitate, varioque, quo se exserit, modo, diuerfas fortitur denominationes. Atque hoc sensu etiam plures dantur ac variae uirtutes, de quibus ex instituto praecipunt philosophiae et theologiae morales doctores. Vid. e. g. BVDEVS, loco citato, §. 136. *segg.* et in *Elem. Philos. Praef. P. I, C. IV, §. 31 - 68*; itemque HEINECCIUS, *Elem. Philos. mor. §. 217 - 239.* add. Cel. WALCHIVS, *Lex. Philos. hac uoce*; et OMEISII *Compend. Ethic., P. I, Sect. II.*

Quo sensu plures dantur uirtutes?

§. VI.

Hanc uirtutem nonnulli quidem paganorum, saltem ^{Eam pagani} niorum, exercere uolebant; et negari omnino nequit, eam ^{philosophi} ad ueram, etsi non perfectam, potuisse referri, si modo uel ^{plerique alii} maxime cum hac uirtute merum spectrum uirtutis plerumque ^{affectabant,} simul non fuisset coniunctum. Ita enim, ut alia exempla nunc ^{si subtilius;} taceam, Philosophos quosdam nouimus antiquiores, satis quidem laudabiliter qui uixerunt; sed actionum suarum laudabilium nullum alium fere constituebant finem, quam famam immortalem, propriamque utilitatem et exultationem: non nescii, gloriam cum uirtute coniunctam, omniaque sub potestate et ditione uirtutis esse. Fuerunt autem et alii, qui reuera ne sectabantur quidem uirtutem, sed dictis et factis singularibus tantum, et cum primis affectata uitae asperitate, opumque et honoris ac uoluptatum contentu, mentiebantur uerius, quam simulabant; nec ipsi quidem alia de causa, ^{quam}

quam ut magnum nomen acquirerent, et longe super alios excellere uiderentur.

Inde hypo-
crisis pro-
batur.

Vtrique adeo hypocritae dicendi sunt: sed illi quidem *subtiliores*, hi *crassiores*. De posterioribus res manifesta est: sed tamen et priores hoc nomine dignos esse, ex definitionibus (§. II et V.) facile conficitur. Vt enim ille demum uirtute uere praeditus dici potest, qui actiones suas legibus conformare studet serio, et studium illud quauis occasione re ipsa testatur: ita, si quis actiones quidem legibus conformes edit, non tamen ex studio legibus conuenienter uiuendi, sed uel commodi sui et emolumenti causa, uel laudis studio tantum, aliisue causis inductus; simulacrum utique uirtutis exhibet, non ipsam uirtutem, adeoque hypocritarum numero non immerito aggregatur.

§. VII.

Hypocritae
philosophiae
causa ambitio.

Fontem ergo et originem uirtutum, quas colebant gentiles inprimis philosophi, in uniuersum melius uix exprimere licet, quam si dicamus, ambitionem, fastum, gloriaeque cupiditatem, et si quid est eiusmodi, impulsisse eos ad has uirtutes, uirtutum fucos et colores quas potius nominamus, exercendas.

De causis et
origine hy-
pocritae
generatim.

Specialem hic indicauimus causam fucatae plerorumque philosophorum gentilium uirtutis. Ad fontem uero et originem hypocritae generatim quod attinet, illa quidem reperitur a) in diabolo, id quod non obscure sacrae testantur paginae, 2 Cor. XI, 14. Mirum ergo non est, eum exemplo suo homines libenter a recta auocare uia, atque ad hanc abducere nequitiam. b) Deinde uero homines ideo alienas frequentius personas mentiuntur, quia putant, ueram uirtutem atque pietatem non in sanctitate cordis siue interna, sed in externa siue operum, consistere: hanc uero doctrinam tam suspectam, imo falsam esse, quia leges non solum externam, sed et internam postulant obedientiam; quam perniciosam, quia hypocritae ex hisce radicibus nascuntur, palam est. c) Neque minus haec

haec summe noxia et peruersa opinio ingens hypocritarum agmen procreat secumque trahit, quae multorum occupat animos hominum, ut credant, ad prudentiam politicam hypocrisis quasi praecipue pertinere, et ideo omnino esse laudandam. Quo nomine notandus hic est Machiauellus, *de Princip. Cap. XVIII*, ita scribens: *Principi in id incumbendum est, ut pius uideatur, etiamsi non sit.* Multos porro communis decipit *φιλανθία*, ex qua hypocrisis etiam fere semper efficitur. Homines enim, ab ea decepti, neminem tam honestum, tamque perfectum esse credunt, ac se ipsos, quamuis ingenio contumaci, amaro felle praediti, et iniustitia sint conficti. *) Si denique homines illud coelo delapsum, *γνώσις*, probe tenerent, ex cuius neglectu hypocrisis sponte sua nascitur; se non posse infantes esse apud Deum, statim cognoscerent, minusque de se elate et magnifice in posterum sentirent. Qui uero, in se ipsum quasi descendens, non inquit, an uirtutum actiones ab ipso hucusque sincere fuerint editae atque exercitae; altius ille semper, quam oporteat, se ipsum attollet, rnetque praiceps in hypocrisicos turpitudinem.

§. VIII.

Praecipue uero Philosophos Cynicos huius culpae iure meritoque reos esse faciendos, copia exemplorum docuit, ^{Quod Cynici inprimis testantur.} planumque fecit exquisitissimis rationibus, scriptor Gallicus, *ESPRIT*, in tractatu, *la Fausseté des vertus humaines* inscripto, et in nostrum quoque Germanicum idioma translato, passim, praesertim *P. II, c. 19 -- 23.* qui tanquam Apelles uiuis coloribus depinxit, simulque obscurauit fucum uirtutis, quo actiones suas externas decorare quasque inaurare conabantur, quorum tamen uita minime uirtuti uerae fuit consentanea.

§. VIII.

Magis itaque, tam huic, quam aliis etiam additi sectis, ^{Virtutes istae uideri boni, quam esse maluerunt, et plures hac uirtutum fucatae tamen magni habitae a nonnullis,}

Praesertim
Stoicorum,
quos defendit
Gatakerus.

Qui resollit-
tur.

simulatione, non solum se ipsos, sed etiam deceperunt alios: unde Zwinglius Socratem, Erasmus Ciceronem, et alii Senecam, uel beatorum catalogo inferere non dubitarunt; et omnino hic conferri meretur Aegidius Strauchius, qui testimonia satis copiose collegit, quae adduci a scriptoribus solent, ut probent, Senecam Christianum fuisse, in dissertat. *de Christianismo Senecae* 1668. Ienae habita, ubi uero etiam hanc sententiam ab auctoribus, quorum probata in adnotandis Ecclesiae rebus fides est, refutatam uidere licet. Quinimo eruditione et diligentia praestantissimus GATAKERVS ab ipsis Stoicis, quos principes hypocritarum inter philosophos merito dixeris, hypocrisin remouet, ipsorumque doctrinae ueniam impetrare laborat, in *praequo ad Antoninum*, pag. 14. seq. adeo, ut haec in uerba erumpere non uereatur: *Quin et inter nominu Christiani professores, quod Scriptores quoque sacros et confessos et conquestos legimus, comparuere, qui Numinu notitiam, quam dictis iactabant, falsis abdicarent; qui pietatis, cuius laruam gerebant, uim uirtutemque abnuerent; qui gratiam diuinam in lasciuia uerterent; qui libertatem christianam nequitiae improbitatisque melamentum facerent; libertatemque aliis pollicerentur, cum in corruptelae seruitio agerent ipsi. Nec ex horum tamen moribus de religione Christiana sententiam ferre, aequum fuerit: quum politiae christianae ipsi, nec uia, nec uera, nedum sana, aut integra membra iure censeantur, sed *Πυλατα* potius mera *xxi αποζηματα*, ut cum Marco nostro loquar, sine uomicae et carcinomata, ut de suis Augustus, etc. Multa uero contra haec, et acuta disserit IAC. BRVCKERVS, in den kurzen Fragen aus der Philosophischen Historie, Tom. 1. p. 1001. /qq. Cuius opinioni et nos subscribimus, libenter quidem cum eo concedentes, haec, quae a Gatakeris sunt prolata, prorsus ita se habere. Interim tamen plura penes Sto-*

Stoicos sunt, quae supra iustum modum adsurgunt, et ubi prae nimio rigore illos excedere omnino est existimandum (*). Vnde de Stoicis admodum prudenter Cicero: *Etenim isti ipsi mihi videntur uestri praeceptores et uirtutis magistri, fines officiorum paulo longius, quam natura uellet, protulisse*. Probe igitur est distinguendum inter principia, quae ultra, quam par est, tendunt, nec actiones componere sinunt ad conformitatem cum saniore doctrina morali; et inter ea, quae mentem non modo corrigunt et emendant, sed etiam media suppeditant naturae illius accommodata, nec postulant, ut mens humana a conditione sua deturbetur, et in statum quendam plane alienum redigatur. Et hac quidem in re Christianae religioni laus omnino est tribuenda, et quae omnibus anteponenda philosophorum sectis; unde ipsa quoque confirmatio ueritatis eiusdem resultat, multum habens momenti et auctoritatis etiam diuinæ; sique uita et mores a doctrina discrepant, quam Christianus iactat, id ex ipsa hominis uoluntate proficiscitur, in quem solum adeo culpa conferri debet. In seruandis contra Stoicorum praeceptis impossibilitas semper residet: quia, dum e. g. *sapientem sine peccatis esse uolunt*, talem admittunt excessum, ut homo, ui rigidorum suorum praeceptorum, non homo, sed Deus esse deberet: unde, si quis in exercendis eorum praeceptis ad culmen peruenisse, *ἐν ὑποκειμένοις* atque simulatione externae uirtutis acquiescebat. Possent quidem nonnulli aliquantum Stoicis consulere rebus, dum dicunt: quosdam tamen illorum, quod de Antonino et Epicteto liquet, quantum gentili possibile, legibus satis conformiter uixisse, idque probe, quod ad laudabilem uitae rationem pertinebat,

(*) Huc ex instituto pertinet B. Roetenbecii *Dissertatio de Intemperantia philosophiae Stoicae* 1691. Alterius habita.

cinebat, obseruasse. Sed Vossius, *de Idolol. Lib. II, Cap. 49. p. 580.* recte monuit, eos non tam uel principiorum suorum id praestitisse uideri, sed potius ex instinctu naturali, et quadam uelut animi bonitate, uitam laudabiliter ab illis actam esse deriuandam. Immo etiam si concedere uelimus, ut abstinentia ab impuris corporis uoluptatibus eorum, principiis omnino sit attribuenda, quodque uel praeceptorum suorum nullas laxauerint habenas affectibus; certum tamen exploratumque est, ea ex malo fluxisse fonte: quia nempe sibi persuadebant, mentes humanas ex diuina mente delibatas ac decerptas, ipsiusque mentis omnia sentientis particulas, atque iterum in essentiam diuinam tandem esse profecturas. Ex quo principio quam maxime periculoso, Atheismus prono alueo fluebat, cum pulcritudine honestatis coniunctus. Atque ex his ea nunc sunt ponderanda, quae proferuntur ab illis, qui cum Stoicis in omnibus faciunt, et, cum Lipsio in *diff. 16. 17. p. 94. seqq.* istos omnino uolunt excusatos esse.

§. X.

Hypocriseos
turpitude.

Turpitude atque foeditas hypocriseos, cuius indolem et causas hucusque breuiter exposuimus, facile nunc est cognoscenda, uitiumque hoc odio et animaduersione esse dignum nemo negabit: non solum enim hypocrita fraudem admittit erga proximum, sed etiam sexcenta alia scelera, attingens simul Deum atque laedens, consulto in se suscipit, pluribusque se contaminat uitiiis. Per hoc unicum enim facinus, accedit ad superbiam, fraudationem, mendacium callidum, arrogantiam inanem, ostentationem, et sic porro. Vnde non abs re scribit Augustinus: *Simulatio pietatis non est pietas, sed duplex iniquitas.* Sed haec, cum nostri instituti non sint, Theologis accuratius discutienda relinquimus.

§. XI.

S. XI.

Nos potius pedem iam promouemus ad uiam, a qua Seneca hy-
 paullulum defleximus, atque uideamus nunc, quomodo uber pocrisin de-
 rima horum errorum mellis conspicua sit etiam in iis genti-
 libus, qui pro optimis haberi solebant. Lucium Annaeum
 Senecam, quem cum Lactantio, Stoicum acerrimum? *Lib. I*
de falsa religione, Cap. V, et Lib. II, Cap. VIII, omnium
Stoicorum acutissimum, uocamus, istis inter alios annume-
randum censemus. Non uno enim in loco hypocrisin defendit
et commendauit; alicubi quidem obscurius, ut quando, in libro
de uita beata, C. XVIII, scripsit: Haec non pro me loquor: ego enim
in alto uitiorum omnium sum: sed pro illo, cui aliquid acti est.
Aliter, inquit, loqueris; aliter uiuis. Hoc per malignissima capita,
et optimo cuique inimicissima, Platoni obiectum est, obiectum
Epicuro, obiectum Zenoni. Omnes enim isti dicebant, non
quemadmodum ipsi uiuerent, sed quemadmodum uiuendum esset.
Alibi uero clarius, in primis Lib. I, Epist. V: Intus omnia di-
similia sint; frons nostra populo conueniat. Quae uerba saltem
in se et cum aliis locis collata hypocritis patrocinari aperte ui-
dentur. Alias enim ex contextu huius epistolae etiam melio-
rem interpretationem admittunt: cum Seneca paulo ante di-
serte negarit, ex habitu uili animum humilem esse cogno-
scendum; siquidem nonnulli per res etiam abiectas plausum
sibi excitare student. Eorum, inquit, mos est, qui conspici
cupiunt, facere, quae in habitu aut genere uitae sunt notabilia.
Asperum cultum, et intonsum caput, et negligentem barbam,
et inditum argento odium, et cubile humi positum, et quicquid
aliud ambitionem peruersa uia sequitur. Magnus ille dolii
habiator, ut a Iuuenale uocatur, Sat. XIV, 311. Diogenes,
prope etiam haec rem pernoctat. Quum enim uenisset
Olympiam, et Rhodiacos quosdam uideret adolescentes ue-
stibus

Damnauit ta-
 men ostentati-
 onem uirtutis
 in habitu ex-
 terno.

Amictos amictos pretiosis magnificisque ; cum risu inquit :
 τῦφος τὸ ἐστίν. Quum deinde incidere in Lacedaemonios
 uilibus et sordidis tunicis, quas exomides uocant, amictos :
 ἄλλος (εἶπεν) ὕτος τῦφος. Vid. Aelianus, *Lib. IX, Cap. 34.*

§. XII.

Quo in genere
 Diogenes Cy-
 nicus imprimis
 peccauit.

Sed tamen hoc genus superbiae atque insolentiae in nul-
 lius persona melius cognoscere ac deprehendere licet, quam
 in persona ipsius Diogenis Cynici. *De se ipso enim dicere so-
 litus erat, se implere et ferre tragicas execrationes. Nam erro-
 nem se esse, domo et patria carere, mendicum agere, male ue-
 stiri, et in diem uiuere. Nihilominus tamen, teste AELIANO,
 Lib. III, C. 29. in his sibi non minus placebat, quam Alexander
 in terrarum orbis imperio, quum subactis Indis in Babylonem
 reuerteretur. Generatim hic conferri meretur Cel. FRID. MENZ-
 dissertatio: Fastus philosophicus uirtutis colore infuscatus in imagi-
 ne Diogenis Cynici, Lips. 1712. qui huic Cynico, supercilium
 contrahenti, laruam egregie detraxit, animique supercilium
 diligenter in eo animaduertit.*

§. XIII.

Item Antisthe-
 nes.

Eiusdem uitii etiam Socrates, Diogenis praeceptorem,
 et sectae Cynicae auctorem Antisthenem arguebat. Quum
 enim uideret, Antisthenem attritam uestis partem subinde in
 conspectum protendere, subridens inquit : ὁρῶ σε διὰ τῆς
 τελευτῆς τὴν φιλοδοξίαν, referente LAERTIO, *Lib. VI,
 segm. 8. et L. II, f. 36.* Paulo aliter haec legas apud AELIA-
 NUM *Var. hist. Lib. IX, Cap. 35.*

§. XIV.

De dogmati-
 bus Stoicorum
 a moribus sac-
 pe diuersis.

Nunc praecipua Stoicorum dogmata explicanda forent,
 simulque uita quorundam secundum ea examinanda, ut pateat,
 quam parum illa iater se saepissime conspirauerint. Quia uero
 non

non uacat ea hic recensere, fuseque eadem exponunt LAERTIUS, in *uita Zenonis*, nec non IUSTVS LIPSIUS, in *Manuductione ad philosophiam Stoicam*, itemque DANIEL HEINSIUS, in *libro de Satura Horat. circa fin.* utiliterque etiam conferri potest, praeter Gerhardum Ioh. Vossium, de *Philosophorum sectis*, Cap. XIX, et Georg. Hornium, in *hist. phil. Lib. III, Cap. XVI*. Iac. Bruckerus, *loc. cit. Tom. I. pag. 991. sqq.* pro temporaria ratione etiam unicum saltem huc exemplum transtulisse et commemorasse iuuabit.

§. XV.

Inter praecepta Stoicorum moralia non ultimum obtinere locum illud de communi amore omnium hominum, etiam inimicorum, nemini obscurum esse potest, nisi qui harum rerum cognitione destituatur. Quod probatur exemplo praecepti de amore aliarum, etiam inimicorum. Luculenter id docet ANTONINVS, τῶν εἰς ἑαυτὸν *Libro VII. §. 91. edit. Catak.* Φίλησον τὸ ἀνθρώπινον γένος, et *Lib. VI. §. 39.* ubi ita praecipit: οἷς συνέληκας ἀνθρώποις, τούτους φίλει, ἀλλ' ἀληθινῶς. Sigillatim uero de amore erga inimicos haec habet, *Lib. IX. §. 27:* "Ὅταν ἄλλος λέγῃ σε, ἢ μισῶν ἢ τοιαῦτά τινες ἐκφράζωσιν, ἔρχου ἐπὶ τὰ λεχθέντα αὐτῶν, διελθὲς ἑσω, καὶ ἴδε ποῖοι τινες εἰσὶν. ὅλεις, ὅτι οὐ δὲ σε σπᾶσθαι, ἵνα τούτοις τίποτε περὶ σε δοκῇ. εὐνοεῖν μὲν τοι αὐτοῖς δέ. Φύσει γὰρ φίλοι. Et *Lib. VII. §. 22:* "Ἴδον ἀνθρώπου Φιλεῖν καὶ τὸς πταίσοντάς, conf. etiam *Lib. II. §. 1. Lib. III. §. 9. Lib. III. §. 37. Lib. VI. §. 27. Lib. VII. §. 13: 26. Lib. VIII. §. 8. 28.* et imprimis *Lib. XI. §. 9, 13, 18.* Add. EYDDEVS, in *Athen. Hist. philos. p. 201.* Hactenus bene; ceterum ex falsis principis. Sed quod ad praxin attinet, ad neglectum huius regulae

gulae, Zenonem ipsum, huius sectae conditorem, admodum pronum fuisse deprehendimus. Zeno enim Epicuri, aequalis sui, magno flagrauit odio, uitamque eius tanquam uoluptatum uarietate plenam perstrinxit; immo doctrina ipsius de uoluptate criminationis molestiam a Zenone sustinuit, quasi prohiberet a nimio cibo, potuque ac Venere, abstinentiam. Eum uero in multis opprimebat innocentem, atque in illius dogmata ideo inuidiam transtulit, ut suis ferret praesidium. Qua in re etiam magistri sui exemplum strenue secuti sunt discipuli et sectatores Zenonis, cum Stoici Epicureis quam maxime semper fuerint infensi. Conf. GASSENDVS, *de uita et moribus Epicuri*, Lib. III, Cap. II et seqq. Vbinam est illa charitas proximi feruentissima?

§. XVI.

Testimonia antiquorum de hypocrisis philosophorum.

Si uero etiam ad testimonia antiquorum scriptorum progrediamur, ex iis facile nonnulla in rem praesentem producere possumus, unde pateat, in unaquaque secta repertos, quorum diuersa dogmatum et uitae erat ratio. Audiamus primum Cleanthem, qui, teste LAERTIO, Lib. VII, *segm. 173*. ἔλεγε τὸς ἐκ τῶ περιπάτου ὁμοίον τι πᾶσιν ταῖς λύραις, αἱ καλῶς φεγγόμεναι αὐτῶν ἐκ ἀκρόσι. *Peripateticis idem accidere dicebat, quod lyris, quae, cum bene sonant, se ipsas tamen non audiunt.* Quod dictum, sed absque mentione Peripateticorum, etiam refertur ad Diogenem Cynicum, a IO. STOBAEO, *Serm. XXI*. De quo et LAERTIVS, Lib. VI, *segm. 64*: Τὸς λέγοντας μὲν τὰ σπουδαῖα, μὴ ποῶντας δὲ, ἔλεγε μηδὲν διαφέρειν κιθάρας καὶ γὰρ ταύτην μὴτε ἀκροῦν, μὴτε ἀσθάνεσθαι. i. e. *Qui res audent, nec facient, eos citharas similes aiebat: hanc enim nihil audire, neque sentire.* Sic uero et Macedo philosophus, apud

GELLI-

GELLIVM, *Noct. Attic. Lib. XIII, Cap. VIII.* utitur querelis de hoc peruerso hominum genere, dum grauitur in eos ita inuehitur: *Ego odi homines, ignaua opera, et philosopha sententia. Nihil enim fieri posse indignius, neque intolerantius, quam quod homines ignaui ac desides, operi barba et pallio, mores et emolumenta philosophiae in linguae uerborumque artes conuerterent; et uitia facundissime accusarent, intercutibus ipsi uitiiis madentes.* Item *Lib. XVII, Cap. XIX.* mentio fit philosophorum: *"Ανευ τῶ πρᾶττεν, μεχρει τῶ λειπει, factis procul, uerbu tenuis;* ut ab Epicteto uocari solebant. Praesertim uero LVCIANVS, in *uitarum auditione, de sectis, Miscyllo, Hermotimo*, alibi, conferendus est, qui Stoicos hoc nomine passim insectatur, et hypocrisin eorum acriter exagitat. Plura hac de re ueterum auctorum loca uid. apud BRVCKERVM, supra §. IX. citatum.

§. XVII.

Ex haecenus dictis iam pater, multos utique, qui maxime Stoicis suis sectis attulerunt nomen, admisisse aliquid in se hypocrisis iudicium. Non solum autem a priscis scriptoribus, hoc in uitio multi tenebantur philosophi; sed etiam ex recentioribus Cel. IOACH. LANGIVS praecipue in Stoicis illud scientissime notauit. Signabimus itaque hanc rem, totumque caput, eius uerbis, in *medicina mentis, P. V, C. I, Per. 3. §. 70.* *Habuit quidem multa praeclara Stoicorum doctrina; - sed et multa habuit admodum perniciofa. Namque inter alia naturae uiribus nimium tribuit, tantumque paradoxis suis sapientibus fastum ingenerauit, ut non tantum in foedam hypocrisin, sed etiam ad quendam quasi αὐτοδεδισμὸν, prolapsi sint.*

CAVVT II
DE HYPOCRISI PYTHAGORAE
SIGILLATIM.

§. I.

Transitio.

Proxime de Pythagora disputare, cum neque angustia temporis, nec instituti ratio, permittat, neque etiam eius historiam hic repetere necesse sit; summas tantum lineas illius hic ducemus, si prius quaedam circa hanc historiae philosophicae partem monuerimus.

§. II.

Monitum de
incertitudine
historiae Py-
thagoricae,
eiusque
causis.

Si in tota philosophorum historia caput quoddam incertitudine et obscuritate laborat, certe hoc est de Pythagora. Nec mirum, cum plures huius rei in promptu sint causae satis idoneae. Primum enim ipsum nomen Pythagorae quodammodo confusionem et turbationem historiae huius sectae adferebat: quia cognomen hoc, quod pro certo nomine collocamus, pluribus fuit commune. Deinde uero, quod in prooemio iam tetigimus, ipse Pythagoras nihil mandauit litteris; certe nullum ab eo ingenii monumentum relictum fuit, quod ab omnibus pro genuino eius foetu haberetur, id quod solide demonstrauit FABRICIVS, *Biblioth. Gr. Lib. II, Cap. XII, §. 4.* contrarium licet defendente LAERTIO, *Lib. VIII, segm. 6.* cui et alii adstipulantur. Vid. *Meibomius, ad hunc locum.* Ex quo defectu unusquisque, quam incerta esse queat historia huius philosophiae, aliqua ex parte capere potest. Si porro his accedit testium hac de re scribentium, recentiorum plerorumque et huic sectae non addictorum, mala fides, qui partim nequiuert uera, partim noluerunt scribere; si etiam addimus ipsorum Pythagoreorum adfectatam de suis rebus obscuritatem;

ratem ; fidem historicam monumentorum de Pythagora et Pythagorica disciplina ualde labefactari, nemo negabit. Cf. FABRIC. *l. c. §. 1.* Ut res ab ipso Pythagora gestas, eiusque dicta et facta, de quorum integritate mihi fidem euictam nemo praestare ualebit, silentio nunc praeteream. conf. BRVCKERVS, *l. c. P. II. p. 3. 107. sqq.* His nunc praemissis, ab aequis laborum alienorum aestimatoribus ueniam peto, si hac in re a me non fatis liquida, aut non omni ex parte ad palatum proposita fuerint, quod equidem in tanta scriptorum uarietate et opinionum multitudine non dubito: certiora tamen promitto, si totam rem certioribus probare potero documentis.

§. III.

De Pythagora hoc cum coniectura probabile est, cum Pythagorae patria, aut certe educatione et origine, fuisse Samium; si, ortus et aetas. lium uero fuisse Mnesarchi, est incertum, et annus natiuitatis eius certus res incerta manebit. Sed, cum Cel. FABRICIO, loco allegato, minori cum erroris periculo credimus, cum non ante Olymp. XLIII, 4. et non post Olymp. LII, 4. adeoque DC circiter ante N. C. annis, natum fuisse.

§. IIIL

Hic, postquam primum in Graecia usus esset Creophylo, ^{Itinera philosophiae studio suscepta,} Pherecyde et Thalete Milefio, praeceptoribus, ingenium suum acre, animumque discendi cupidum, applicauit ad philosophiam, et, ut eo felicius hoc succederet studium, exterorum etiam disciplinis animum instruere uoluit: quapropter Phoeniciam et Aegyptum lustrauit, Babylonem et Persarum Magos adiit, multasque alias Barbarorum regiones peragrauit, et magno labore transmisit, animoque sic omni eruditionis genere imbuto, redux Samum concessit. Reliqua, quae
C 3 huc

huc spectant, merito nunc tacemus, brevissimis indicantes, ex Samo in Italiam, et eius quidem partem inferiorem, Magnam Graeciam dictam, sese contulisse: hinc philosophia ipsius peperit sibi nomen philosophiae Italicae.

§. V.

Virtutes corporis et animi.

Si de Philosophi nostri uirtutibus, ratione corporis et animae, ex quarum nomine sibi auctoritatem quaesuit, aliquid dicendum est; sequentia digna sunt, quae in medium proferam. Iuuenis adhuc forma et dignitate praeditus erat plane singulari, et, propter habitum uitae ad constantiam et grauitatem compositum, omnium sibi iam tunc conciliabat existimationem. conf. IAMBlichVS, in *uita Pythagorae*, p. 7. edit. KVSTERI, C. II. Matura uero aetate, tam apta membrorum compositio ipsi adfuisse traditur, tanta gaudebat auctoritate, et quasi maiestate, ut illum discipuli opinarentur Apollinem, qui ex Hyperboreis uenisset. Vid. LAERT. *Lib. VIII, segm. II.* et AELIANVS, *Lib. II, Cap. XXVI.* Fugiebat luxuriam, et remotissimus erat ab intemperantia: LAERT. *Lib. VIII, f. 19.* cf. MEIBOMIUS et MENAGIUS, *ad hunc locum*; atque in uita, neque ulla unquam uoluptate, neque tristitia affectus uidebatur nimia, sed semper erat idem. PORPHYRIUS, *de uit. Pythag. n. 34.* Vt uero in omnibus rebus, ita praesertim et hic iuuabit, non temere credere, non cuius fidere. Inquiramus ergo, sine praediuicio auctoritatis antiquitatisue, an Samius noster interdum non uideri bonus, quam esse, maluerit; et utrum actiones ipsius omni ex parte cum doctrina, quam profitebatur, congruerint; num fortasse astutam uapido gesserit sub pectore uulpem; nec ne? Nihil ergo superest amplius, quam ut cum Pythagorae placitis et effatis comparemus quasdam ipsius actiones, tam externas, quam internas, semperque attendamus, quatenam sit inter has et praecepta illa similitudo.

§. VI.

§. VI.

Quantum discipulos suos hoc urgeret mandato : *Αρα* Pythagorae *Deorum sanguine non est adspargenda*; neminem, nisi in hac ^{hypocrisis} ^{probatur :} ^{1) ex neglecto} ^{praecepto de} ^{uicinis incru-} ^{entis.} ^{historiae philosophicae parte plane hospitem ac peregrinum,} latere posse existimo; et de hac regula, quam etiam γνήσιοι Pythagorei sollicitè obseruasse feruntur, conferri potest IAMBLICHVS, *Cap. XXVIII, n. 150.* et LAERTIVS, *Lib. VIII, segm. 13 et 22.* itemque MENAGIVS, *ad haec loca.* Quis est uero, cuius cogitationes hac in re uersantur, qui hac occasione non recorderetur inuentionem theorematis de potestate hypotenu-
sae in triangulo orthogonio? quod demonstratur apud Eu-
clidem, *Lib. I, Prop. 47.* Pythagoram enim, huius nobilissimi, et per omnem Mathesin utilissimi, theorematis inuentorem acu-
tumque auctorem, haec inuentio tanta perfundebar laetitia, ut de-
fereret officium, suisque ipsius praecepti immemorem sese exhiberet, ac centum boues seu Hecatomben Diis immolaret; prouti rem narrant VITRUVIVS, *Archit. Lib. IX, Cap. 2.* et LAERT. *l. c. f. 12.* ubi haec : Φησὶ δὲ Ἀπολλόδορος ὁ λο-
γιστικὸς ἐκατόμβην βῦσαι αὐτὸν, εὐρόντα ὅτι τῷ
ὀρθογωνῷ τριγώνῳ ἡ ὑποτένυσα πλευρὰ ἴσων δύνатаι
ταῖς περιχέουσας. καὶ ἔστιν ἐπιγράμμα, ὅτως ἔχον·

Ἡνὶκα Πυθαγόρης τὸ περικλεῖς ἑξαστο γράμμα,
Καὶν' ἐφ' ὅτῳ κλεινὴν ἦγαγε βεβυσίνην.

Id est: Refert autem Apollodorus supputator, hecatomben illum
immolasse, cum inuenisset, trianguli, quod ὀρθογώνιον appellant,
subiectum recto angulo latus tantundem ualere, quantum quae
illum continent. Et est epigramma sic se habens :

Pythagoras quondam diis fecit nobile sacrum,
inuenta est illi linea quod celebris.

Haec

De quo ta-
men dubitant
nonnulli.

Haec ipsum Ciceronis animum dubium incertumque habent, qui *Lib. III. de Nat. Deor. Cap. 36.* sic scribit: *Quamquam Pythagoras; cum in geometria quiddam noui inuenisset, Musis bouem immolasse dicitur.* Hic loquitur de uno tantum boue. Statim et haec subiicit uerba: *Sed id quidem non credo, quoniam ille ne Apollini quidem Delio bestiam immolare uoluit, ne aram sanguine aspergeret.* Nemo autem non uidet, dabitationem hanc fuisse ortam ex praeiudicio auctoritatis: id enim Ciceroniam extra omne dubium positum uidebatur, Pythagoram, grauissimum illum et seuerissimum Philosophum, non alia potuisse docere, alia factis praestare et exprimere; unde alienus esse maluit ab assensione huius rei. Plutarchus quidem, in comment. *in An. Ep. in Musas* *Εὐσεβίου*, p. 1094. edit. Francos. T. II. *Opp.* atque ipse Malchus in *uita Pythagorae* opum bouem immolatum tradunt; sed hic tamen addit, bouem e farina, non uerum fuisse: quod etiam nonnullis uerisimilius uidetur, optime qui sciunt, Pythagoram improbasse sacrificia cruenta, simul uero non cogitantes, alia interdum potuisse a Pythagora dici, alia fieri. Vid. MELBOM. *ad locum cit. Laërtii*; et STANLEIVS, *bist. Phil. P. VIII, p. 743.* *Accuratius*, inquit, *qui res eius tradiderunt, referente Porphyrio, bouem eum sacrificasse dicunt ex farina confectum; uel, ut relatum Gregorio Nazianzeno, ex argilla.* Laërtii tamen opinionem de centum bubus confirmat etiam Athenaeus, *Lib. X.* qui eadem Apollodori uerba allegat, annexo etiam disticho. Ita uero hic: *Ἀντιφύλαξ δὲ ὁ Ἀεθηνάϊος καὶ ἑτέροι φησὶν αὐτὸν ἱερατίζεσθαι ἐν τῇ ἱερουργίᾳ, ἐν τριγώνῳ ἑποχόμενός τῃς ἑπὶ τῶν γυναικῶν ὑπομίμνῃς τοῦ δεινὰν τοῖς ἀνθρώποις.* Si penes hunc et antea iam allegatos auctores est fides, hoc certum manebit: Pythagoras, quod docuit, opere non comprobauit.

§. VII.

Probatur II)
ex doctrina
illius de Deo.

Enimuero Pythagorae hypocrisis multo magis elucescet, si ea consideres, quae in philosophia theoretica de Deo docuit. *Vnus*, inquit, *est Deus, non ille autem, quem admodum nonnulli sunt suspicati, extra hunc mundi ornatum: sed ipse in se totus, in circulo totoq. omnes inspiciebat generatio-*
nes.

mes. Omnium ipse est temperatio, et virtutum operumque cibus omnium opifex, principium omnium, unum, caeli lumen, et parens omnium, mens et animatio uniuersorum, circularum omnium motio. Ita ex Iustino STANLEIVS, loc. cit. p. 763. Quae quidem Dei notio satis proba esse uidetur, et ostendit, alienum a superstitione et idololatria gentilium fuisse Pythagoram, cum unum tantum Deum agnouerit: minus autem recte de Deo eum sensisse, simul condocet; et iam olim Cicero, *Lib. 1. de nat. Deor. Cap. XI*, ita praeclare hac de re ratiocinatus est: *Pythagoras, ait, qui censuit animum esse per naturam rerum omnem intentum et commeansem, ex quo nostri animi carperentur, non uidit, distractione humanorum animorum discerpi et dilacerari Deum; et, cum miserum animi essent, quod plerisque contingeret, tum Dei partem esse miseram: quod fieri non potest. Cur autem quicquam ignoraret animus hominis, si esset Deus? Imo, si totam rem sollicitate et accurate perpendere uelimus, ab atheismi labe non prorsus immunis est Pythagoras: cum Deum pro anima quadam mundi habere, eumque cum materia et mundo indissolubili nexu modoque, uti Zeno, coniungere uideatur; talemque simul Deum inducat, qui lacerari et in partes diuidi queat, quod tamen absurdum est, recte ut Cicero iudicat. Ut iam non dicam, eum, etsi non negasse, attamen infirmasse prouidentiam diuinam: quod omnino suspicionem auget atque confirmat, simul uero istud PAULI Apostoli, *Rom. I, 22. Φάσκοντες εἶναι σοφοί, ἐμωρανθήσαν*, ad Pythagoram quoque spectare, demonstrat.*

Minime quidem ignoro, Pythagoram hanc de Deo sententiam in arcanis quasi continuisse, studioseque uelasse, et ex hoc fundamento crimen istud a Pythagora quodammodo posse remoueri. Quia uero haec reliquis eius seruit opinionibus, certe cum systemate Pythagorico

gorico non pugnat; eum ita statuisse, nisi iudicio fallor, probabiliter possumus defendere. conf. BVDDEVS, *Hist. Eccl. V. T. Per. II, scilicet, VI, p. 1079.*

§. VIII.

3) Ex affectu diuinitate:

a) Vestitu.

Cum adeo a recto de Deo sensu tam grauiter aberrauerit Pythagoras; mirum non est, illum eo dementiae processisse, ut et ipse diuinitatem affectaret, neque aliis hoc nomine adulantibus repugnaret, nouo iterum hypocriteos, eiusque turpissimae, argumento. Id quod ex uestitu, et aliis rationibus, colligere licet. Stola candida apud antiquos maxime sanctitatem indicauit: uid. Porphy. *de abstinentia Lib. II, §. 45. p. 88.* it. Clemens Alexandr. *Strom. Lib. IV, p. 531.* Propterea Artemidorus, *ὄνειροκριτικῶν Lib. II, Cap. III, p. 83.* ita scribit: λευκὰ δὲ ἡμάτια τοῖς ἱερεῦσι μόνοις συμφέρει. Et colorem album etiam Diis praecipue decorum esse putabant, teste Platone, *de Legibus Lib. XII, p. 691.* χρώματα λευκὰ πρέποντα ἂν θεοῖς εἶναι καὶ ἄλλοθι καὶ ἐν Ὀφῇ. Quae uerba sic Latine reddidit Cicero, *de LL. Lib. II, Cap. 18.* Color albus praecipue decorus Deo est, tum in ceteris, tum maxime in textili. Eandem ob causam Dii quoque ipsi ac diui nominati sunt candidi. Ita Virgilius, *Eclog. V, 56.* Candidus infuctum miratur limen Olympi: ubi, Seruio interprete, candidus idem est, ac Deus; et apud Iuuenalem, *Satyr. VI, 126.* candida lo nihil aliud denotat, quam Diuam Io. uid. etiam Statius, *Lib. III, §. 1. seqq.* Hac in re ergo Deorum imitatore Pythagoram deprehendimus, apud Laërtium *Lib. VIII, §. 19.* cui, stola semper candida ac munda, stragulisque item candidis et lana, usus esse dicitur: ζολὴ αὐτῷ λευκὴ, καλὰ γὰρ, καὶ χρώματα λευκὰ ἐξ ἐρίων. Plura loca ex Iamblichio, Aelliano, aliis, collegit Menagius, ad hunc Laërtii locum. Ac enimvero Samius noster hac stola candida nihil aliud significare

ficare uoluit, quam ipsum quidem praestantiorum seminum com-
 mixtione natum esse, quam alios mortales, nec pro solo ho-
 mine habendum. Ita sane de eo loquitur Aelianus, *Lib. III, Cap. XVII*: Ἐδδασκε Πυθαγόρας τὰς ἀνθρώπων, ὅτι
 κρεῖττόνων γεγένεταί σπερμάτων, ἢ κατὰ τὴν φύσιν
 τὴν θνητὴν. Pythagoram homines in hanc traducere uolu-
 isse sententiam, docet etiam Suidas, in *Pythag. Tom. III, p. 232*.
 Mentiebatur porro diuinitatem, satis quidem ridicule,
 ope femoris aurei, quod eum in finem Abaridi, et toti Graeciae in ludis Olympiacis, ostendebat. De quo Laer-
 tius, *Lib. VIII, segm. 11*. Λέγεται δὲ αὐτὸς ποτὲ παρὰ γυ-
 μνωθέντος, τὸν μισθὸν ὀφῆναι χρυσοῦν. i. e. *Nudatum ali-*
quando eius femur aureum apparuisse, fama est. Et Aelianus,
 loco citato, itemque *Lib. II, Cap. XXVI*, scribit: τὸν
 μισθὸν ὁ Πυθαγόρας παρὰ τοῦ ἑτέρου χρυσοῦν. *Pytha-*
goras alterum femur aureum ostendit. Conferri etiam potest
 Ammianus Marcellinus, *Rer. Gest. Lib. XXI, Cap. XVI*; Plu-
 tarchus, in *Numa, Tom. I, p. 65*. Iamblichus, *Cap. XIX, n. 92*.
 et *Cap. XXVIII, n. 135 et 140*. Porphyrius, *num. 28*. alique a
 Menagio laudati, ad *Laërt. l. c.* Denique et hoc modo diui-
 nitatem affectabat, dum singularem prae se ferret grauitatem
 ac ueluti maiestatem, ita, ut sermone et uultu illius omnes
 facile percellerentur. conf. Plutarchus, *de discrim. adulat. et*
amic. Tom. II, p. 70. Addantur uersus Timonis apud Laër-
 tium, *l. c. segm. 36*. et Porphyrius, *n. 34*. Vt miracula, quae
 ipsi tribuuntur, u. g. confabulationes cum brutis, quin et
 fluuiis, aliaque sublestae fidei eiusdem rei documenta et
 specimina, nunc taceam. Omnia haec, quae hactenus dixi-
 mus, si recte coniunguntur in comparatione; facillime unus-
 quisque poterit intelligere, Pythagoram non solum ad hy-
 pocritas, sed etiam ad fraudatores, iure et merito posse re-
 ferri. conf. BRUCKERVS, loc. cit. *Tom. II, p. 62, 66*.

a) Femore
aureo.

γ) Grauitate
singulari alius-
que modis.

Quousque
finem hunc
obtinuerit?

Finem tamen, quem intendit, satis feliciter adsecutus est Pythagoras: ipse enim, tam apud discipulos suos, quam apud alios, numen quasi et nim Deorum tenebat. Sane Iamblichus, *Cap. X*, affirmat, neminem illum suo nomiae, sed *tūc* omnes uocasse. Et quod ad discipulos attinet, isti, cum accedebant ad aram iurandi causa, per eum iurabant; idemque Iamblichus, *Cap. XXVIII*, n. 150. formulam iurandi uersibus scriptam refert sequentibus:

*Μὴ μὲν τὴν ἀντίθετον ἐσχάτην ἐπιτίμησιν
ἐκείνην ἀντίθετον φέρειν ἢ ἐκείνην.*

Quos eodem uersus, paucis mutatis, etiam citat Plutarchus, *Lib. 2 de placitis philos. Cap. III*. Add. Stanleius, *Hist. phil. p. 706*. Alios uero quoque ipsi tribuisse diuinitatem, cognoscimus ex his, quae legimus apud Iamblichum, *Cap. III*, n. 14. Quum enim ueniret ex monte Carmele, nauemque conscenderet Aegyptiacam; in animis nauarum tantam sui peperit admirationem, ut semper traherentur opinione, Deum quendam ex Syria in Aegyptum cum eis se nauigio commisisse: propterea, feliciter confecto itinere, tradentes se in portum, et egressi e nauis, coram eo statuerunt aram, eique ex omni genere mercis, quam uehebant, primitias quasi libarunt. Quid? quod, uti Irenaeus, *adv. haeres. Lib. I, Cap. XXIII*, testatur, apud Carpocratianos CHRISTI Seruatoris, Platonis, atque Pythagorae imagines una colebantur eademque religione.

§. IX.

4) ex uetito
et dissimulato
factu, quem
tamen pro-
didit:

Vnum adhuc argumentum, pro hypocrisis Pythagorae, praeceptum illud, ex philosophia practica desumtum, suppledit, quo docebat, ambitionem, fastum, superbiam, tanquam summam amentiam, unicuique esse uitanda. conf. Stanleius, p. 754. et OMEISIVS, in *Ethica Pythag.* p. 45. 47. Quibus uititiis etiam in discipulis suis reprimendis, satis uehementes seuerasque obuiam dedit *δογμασίων* et exercitationes uid. Iamblichus, *cap. XVII*, n. 72. et Athenaeus, *Lib. IV. p. 161*. ubi legimus, discipulos eius ueste sordida et uili rectos saepius incedere debuisse, ac praeterea ab aliis per integrum triennium contemptim fuisse habitos. At enim uero in ipso Pytha-

Pythagora moderatio illa diuina ualde claudicat, scelereque
superbiae nimis uexatur; cum Aelianus, *Lib. XII, Cap. XXXII*,
sequentia de eo referat: Πυθαγόρας ὁ Σάμιος λευκὴν
ἑσθιὰ ἤσθιτο, καὶ ἐφόρει ῥέθανον χερσῶν, καὶ ἀνα-
ξυρίδας. i. e. Pythagoras Samius alba ueste amiciebatur, et
gestabat coronam auream, atque anaxyrides. Ad quae uerba
Schefferus haec notat: Credo, ut esset conspectior ac uenerabi-
lior, quia sacrificantium hic habitus apud Graecos. - - Vo-
lebat autem omnia sua sancta ac prope diuina haberi. Cur uero
etiam ante omnia stabilisset suum illud arrogantissimum
αὐτὸς ἔφα, nisi ut auctoritatem inconcussam sibi inter suos
in tempore compararet? Cicero, *Libr. I de Natura Deor.*
Cap. V, illud iam improbauit, et intolerabilem fastum, quem
prae se fert, his indicauit uerbis: *Obest plerumque iis, qui
discere uolunt, auctoritas eorum, qui se docere profitentur.*
Desinunt enim suum iudicium adhibere: id habent ratum,
quod ab eo, quem probant, indicatum uident. Nec uero pro-
bare soleo id, quod de Pythagoricis accepimus: quos ferunt, si
quid affirmarent in disputando, cum ex iis quaereretur, quare
ita esset, respondere solitos: Ipse dixit; Ipse autem, erat Pytha-
goras. Tantum opinio praedudicata poterat, ut etiam sine ra-
tione ualeret auctoritas. Ad. Valerius Max. *Lib. VIII, C. VI.*

) Habit.

) Auctoritate
inter suos ni-
mia.

§. X.

Si omnes fines, quos in singulis fere actionibus suis in-
tendebat, ad libram rationis reuocamus, amplitudinem no-
minis sibi constituiebant terminum. Quid mirum ergo, si
etiam eo fine discederet ex patria, committeretque se itine-
ribus laboris et periculi plenis? Cognoscimus enim ex Iam-
blichio, *Cap. V, n. 25.* eum omnia loca Deo dicata, cuncta-
que idola et oracula celebriora, uisitare, ad auctoritatem
suam stabiliendam, gloriamque longe lateque propagandam.
Perrexit ad insulam Cycladum clarissimam, Delon, et inde

) Peregrina-
tionibus multis
ad loca sacra.

3) Inuento
Philosophi
nomine.

Delphos, ubi postea multa praeclara se didicisse iactavit a
flaminia Apollinis. Non solum igitur sibi ipsi, sed etiam suae
doctrinae, auctoritatem conciliare uolebat, dum, ex nutu quo-
dam et afflatu diuino eam proficisci, hominibus persuadebat,
ueterum legislatorum more. Conf. KOGLERI Dissert. in pro-
oemio laudata, §. X. Ad Cretenses etiam peruenit, teste
Laërtio, *Lib. VIII, f. 3.* ubi cum Epimenide descendit in Idae-
um antrum famosissimum; tandemque Phliuntem. Ibi, post-
quam cum Leonte, principe Phliagorum, docte et copiose
quaedam disseruit, non sine admiratione eius ingenii et elo-
quentiae; quo cognomine censeretur, rogatus, tunc Philo-
sophum se primus nouo nomine uocauit, cum antea *σοφῶν*
seu *sapientes* et haberentur, et nominarentur, qui, ut ille, in
rerum contemplatione studia ponerent. Quod ipsum quo-
que ex ambitione potius, quam ex modestia, uti quidam pu-
tant atque ipse uideri uoluit Pythagoras, factum fuisse, pro-
babile est. Ceterum discrimen inter sapientiam et philoso-
phiam explicat Iamblichus, *Cap. XII, n. 59. et Cap. XXIX, n. 159*;
generatim uero hac de re conferri possunt Laert. *Lib. I, f. 12.*
et Lib. VIII, f. 8. Cicero, *Qu. Tusc. Lib. V, Cap. III*; Iambli-
chus, *C. VIII, n. 44, et Cap. XII, n. 58.* Val. Max. *Lib. VIII,*
C. VII. alique citati a Menagio, *ad Laert. ll. ci.* et Scheffero,
de nat. et const. philos. Ital. C. VI. Non attingo alia, in quibus
Pythagoras superbiae aliquando indulisse deprehenditur.

§. XI.

3) ex neglectu
praecepti de
uicibus *αρετων*
fig.

Restat aliud, idque oppido uituperabile, Pythagorae
factum, demonstrans, illum ad extremum usque hunc hy-
pocritam mansisse, neque solum, quod hactenus ostensum
in multis uitae partibus, sed etiam in ipsa morte, a praeceptis
suis recessisse. Hoc coronidis loco proponimus, cum monito
tamen huic capiti iam praemisso. Inter alias, ad philoso-
phiam

phiam practicam Pythagorae spectantes regulas, haec quoque occurrit praecipue memoranda: *Iniusu Imperatoris, id est Dei, de praesidio et statione uitae non est decedendum.* Vid. Iamblichus, *Protrept. Cap. 31.* et Cicero, *de Senect. Cap. XX.* it. STANLEIUS, *P. VIII, p. 754.* Violentas itaque sibi ipsi manus afferre his uerbis uetabat. Conf. OMEISIUS, in *Ethica Pythag.* pag. 30. Sed discrepantiam doctrinae et praxeos etiam hic inueniemus, si euoluamus Laertium, *Lib. VIII, segm. 40.* ubi haec de Pythagora narrantur: *Ἡρακλείδης δὲ Φησίον ἐν τῇ τῶν Σατύρων βίῳν ἐπιτομῇ, μετὰ τὸ θάψαι Φερεκύδην ἐν Δήλῳ, ἐπανελθεῖν εἰς Ἰταλίαν, καὶ πανδασιάν εὐζόντα Μύλωνος τῷ Κροτωνιάτῃ εἰς Μεταπόντιον ἐξελεῖν, καὶ κεῖ τὸν βίον καταρρέψαι ἀσπίδι, μὴ βεβλόμενον περαιτέρω ζῆν.* i. e. *peractum in Epitome uitarum Satyri ait, illum, postquam in Delo Pherecydi iussa persoluerat, rediisse in Italiam, et, cum in domo Milonis Crotoniatæ conuiuio celebratæ offendisset, Metapontum discessisse, ibique, cum uiuere diutius nollet, inedia uitam finiuisse.* Nihil attinet cumulare uarias ueterum scriptorum de morte Pythagorae relationes, quorum multi ab hac Heraclidis sententia discrepant; et de quibus etiam uideri possunt Stanleius, *l. c. p. 688 seqq.* et BRUCKERUS, *T. II, p. 73 seqq.* Sed haec tantum adduxisse sufficiat, quae omnes fere auctores, sine discrimine et dissensu, hac de re nobis exhibent. Nempe modus Pythagorae tam docendi, quam uiuendi, singularis, quem cum discipulis, suis etiam in rebus ad rempublicam spectantibus exercere et introducere uolebat; uariaeque aliae causae, trahebant eum tandem in inuidiam incolarum Graeciae magnae; ac praesertim Crotonienses et Metapontini tantum in eum conceperunt odium, ut relinquerent eius causam, partesque ipsius oppugnarent; qua de re satis prolixè

prolixè ex Apollonio egit Iamblichus, *Cap. XXXV, n. 254*. Quæ cum ita sint, non adeo improbable est, Pythagoram, hominem *ethnicum*, uitæ tædio, cum imminutam uideret auctoritatem suam, nec facile restituendam, uiolentas manus sibi ipsi intulisse, et, sicut isti, ἐλπίδα μὴ ἔχοντες, καὶ ἄθεοι ἐν τῷ κόσμῳ, nullam spem habentes et Dei expertes in mundo, secundum illud Apostoli, *ad Ephes. II, 12*. desperasse.

§. XII.

Epilogus.

Non iniucundum quidem foret, nunc etiam sigillatim ostendere, in quantum hypocrisis in Philosopho sit uituperabilis, in quantum tolerari aut excusari possit; itemque ueritates quasdam, hac cum materia connexas, ponderare, quales sunt: *Quid de uirtutibus Ethnicorum sentiendum? Summam sapientiam nihil prodesse, si uoluntatem non corrigit. Apud uerum Philosophum uitam debere cum ipsius dogmatibus conuenire. etc.* Verum, argumenti copia obrutus, et temporis angustia exclusus, pedem hic figo, manumque de tabula moueo; ad extremum Lectorem Beneuolum etiam atque etiam rogans, ut hunc qualemcunque laborem pro candore suo iudicet, melioraque, si DEVS uires auxerit, expectet.



1045.2

95717

2.17

